

LANGILLEAK KANTARI.

Egun senti ederra
Azaltzen danian
Gogotik asten gera
Goizero lanian
Egiñ alditzakegun
Lanak egunian
Izan bitez jo Jauna!
Zure izenian.

Gizona. da jayoa
Egiteko lana
Ez guchi ez geyegi
Bai koibeni dana
Sententzia or dago
Jainkoak emana.
Sekulan borratuko
Inork ez duana.

Gaitz guzien sustrai
Alperkeriari
Lanaz gerra egiten
Gozoz gera ari
Jaunak egiten digu
Grazia ugari
Argatik bizi gera
Alegre kantari.

Izerdia sarritan
Degu bekokian
Dijuakigulako
Denbora nekian
Baña biotza beti
Poz eta pakian
¡A! zenbatek dichu au
Artuko lukean.

Lanarekin garaitzen
Da nagitasuna
Lanetik datoz pake
Eta osasuna
Lanian arkitzen da
Aberastasuna
Laua da gizonaren
Zori-ontasuna.

Astian lana egiñ
Obra onak jaian
Animarentzat ere
Zerbait egiñ naian
Egin ditzagun orain
Dezakegun gaian
Arkitzeko sariya
Gero zeru-goian.

LANGILLE BATEK.